



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt corpora defunctorum in Ecclesia non sepeliantur. clvii.

urn:nbn:de:hbz:466:1-10722

bricus, & cunctis leuitatibus occupatus, cuius corpus in Ecclesia beati martyris Syri sepultum est. Nocte autem media in eadem Ecclesia factæ sunt voces, ac si quis violenter ex ea repelleretur, ac traheretur foras. Ad quas nimirum voces currebant custodes, & viderunt duos quosdam teretrimos spiritus, qui eiusdem Valentini pedes quadam ligatura strinxerant, & eum ab Ecclesia clamantem ac nimium vociferantem foras trahebant. Qui videlicet territi, ad sua strata reuersi sunt. Mane autem facto, aperuerunt sepulchrum in quo idem Valentinus positus erat, eiusque corpus non inuenerunt. Quumque extra Ecclesiam quærerent ubi proiectum esset, inuenerunt hoc in sepulchro alio positum, ligatis adhuc pedibus sicut de Ecclesia fuit abstractum. Ex qua re Petre collige, quia hi quos peccata grauia depri-
munt, si in sacro loco sepelire se faciant, restat ut etiã de sua præsumptione iudicentur, quatenus eos sacra loca non liberent, sed etiam culpa temeritatis accuset.

De eadem re. Cap. CLVI.

NAm quid quoque in hac vrbe contigerit, cunctorum qui hic habitant multitudo testatur: quod quidam artis eorum primus quum defunctus fuisset, iuxta Ecclesiam beati Ianuarij martyris iuxta portã sancti Laurentij à coniuge sua sepultus est. Sequenti autem nocte ex sepultura eadem, audiente custode, eius spiritus cœpit clamare: Ardeo, ardeo. Quum verò has diu voces emitteret, custos hoc eius nunciauit vxori. Vxor verò illius eos qui diligenter inspicerent eiusdem artis viros transmisit ad Ecclesiam, volens cognoscere, qualiter corpus eius esset in sepulchro de quo talia clamaret. Qui aperientes sepulchrũ, vestimenta quoque intacta repererunt, quæ nunc vsque in eadem Ecclesia, pro eiusdem causæ testimonio seruatur, corpus verò illius omnino non inuenerunt, ac si in eodem sepulchro positum nõ fuisset. Ex qua re colligendum est, quã vltione anima eius damnata sit, cuius & caro est ab Ecclesia proiecta. Quid igitur sacra loca sepultis profunt, quando hi qui indigni sunt ab eisdem sacris locis diuinitus proiciuntur?

Ut corpora defunctorum in Ecclesia non sepeliantur.

Caput CLVII.

Item placuit ut corpora defunctorum nullo modo intra basilicam sepeliantur, sed si necesse est de foris circa mu-

Itẽ Gre.

Ex cõcil.

Brugga.

cap. 4.

rum basilicæ. Nam si firmissimum hoc priuilegium vltimo
nunc retinet Gallie ciuitates, vt nullo modo intra ambitum
murorum ciuitatum, cuiuslibet defuncti corpus sit humi-
tum, quantomagis venerabilium martyrum debet reue-
rentia obtineri?

De eadem re. Cap. CLVIII.

Ex cõcil.
Meldensi
cap. 10.

VT nemo quemlibet mortuum in Ecclesia quasi heredi-
tario iure, nisi quem episcopus, aut presbyter pro
qualitate conuersationis & vitæ dignum duxerit, sepeliri
presumat, nec quisquã ossa cuiuslibet mortui de sepulchro
suo eiicere, aut sepulturam cuiusquam temerario ausu quo-
quo modo violare, sed vnumquemque in loculo sibi à Deo
parato atque concesso, aduentum sui iudicis prestolari con-
cedat.

*Vt nemo pro sepeliendis mortuorum corporibus ali-
quid muneris exigat.* Cap. CLIX.

Ex cõcil.
Hãnerẽ.
cap. 11.

Precipiendum secundum canonum autoritatem, vt in
sepulchris & hominibus sepeliendis nihil muneris
exigant, nisi fortè qui sepelitur, viuens iusserit Ecclesiæ,
cuius atrio sepelitur, de suis rebus aliquid tribuere, aut etiam
post mortem illius quibus commissum est eius elemosynas
facere, de rebus illius aliquid dare spontè voluerint: tamen
nullatenus à presbyteris illis aliquid exigatur, siue ab illis
qui locis & vicis presunt. Prohibendũ etiam secundum ma-
iorum instituta, vt in Ecclesia nullatenus sepeliatur, sed
in atrio, aut in porticu, aut in exedris Ecclesiæ. Infra Eccle-
siam verò, aut prope altare vbi corpus domini & sanguis
conficitur, nullatenus habeant licentiam sepeliendi.

De sepultura coniugatorum in primis connubiis.
Cap. CLX.

Hieron.
dicit.

Ebron dicitur esse ciuitas trium virorum, quia in ea
sepulti sunt tres patriarchæ in spelunca duplici cum viri-
bus vxoribus suis, id est, Abraham & Sara, Isaac & Re-
becca, Iacob & Lia, præter ipsum Adam & Euam vxores
suas. Tobias dicit ad filium suum: Cùm acceperit Deus ani-
mam meam, corpus meum sepelies, & honorem habebis
matri tuæ omnibus diebus, & cùm ipsa compleuerit tem-
pus, sepelies eam iuxta me in vno sepulchro.